

**JASMIN ADEMOVIĆ, predsjedavajući Gradskog vijeća Grada Sarajeva,
u funkciji gradskog vijećnika**

**GRADSKO VIJEĆE GRADA SARAJEVA
Predsjedavajući Gradskog vijeća
za Komisiju za izbor i imenovanja**

Predmet: Prijedlog za dodjelu nagrade „Graham Bamford”

U skladu s odredbom člana 12. Odluke o priznanjima i nagradi Grada Sarajeva („Službene novine Kantona Sarajevo”, broj 34/10, 14/14,31/14,11/20 i 16/22), podnosim

**Prijedlog
za dodjelu nagrade „Graham Bamford”
Senidi Karović**

koja je sav svoj radni vijek opredijelila zalaganju za stvaranje boljih uslova za život i rad i uvođenje sistemske podršku ranjivoj populaciji civilnih žrtava rata u Kantonu Sarajevo i Federaciji Bosne i Hercegovine kojoj i sama pripada, čime je iskazala izuzetnu građansku hrabrost, solidarnost, humanost i altruizam.

OBRAZLOŽENJE

Iz biografije kandidatkinje ovdje se izdvaja to da je Senida Karović rođena 1965. godine. Ekonomsku školu je završila u Sarajevu. Udata je i majka jednog djetetom. Sa svojom porodicom živi u Sarajevu.

Njezino razumijevanje izazova s kojima se susreću naši sugrađani civilne žrtve rata, nažalost proizlazi iz njezinog statusa. Civilna žrtva rata je s invaliditetom 100% II. kategorije.

Ranjena je 31.01.1993. najteže ratne godine i zbog posljedica ranjavanja izvršena joj je visoka amputacija desne natkoljenice.

Tražeci solucije za olakšanje vlastite svakodnevnice u novim, bitno promijenjenim uslovima života, prepoznala je probleme s kojima se susreću sve civilne žrtve rata bez obzira na to s kakvim posljedicama se nose.

Ovo je usmjerilo u trajno zalaganje za njihovu vidljivost u društvu, za senzibiliziranje javnosti za njihove problem i predlaganje rješenja za prevazilaženje poteškoća s kojima se susreću u svakodnevnom životu.

Tako je već 2000. postala predsjednica Unije civilnih žrtava rata Kantona Sarajevo, a zatim 2010. godine predsjednica Unije civilnih žrtava rata Federacije BiH od 2010.godine.

Njezin inicijativni rad i istrajnost kao i dobro poznavanje ukupne problematike je dovelo I do članstva u Vijeću osoba s invaliditetom Bosne i Hercegovine koje je savjetodavni organ Vijeću ministra BiH.

Noseći se s životnim nedaćama s kojima se osobe s invaliditetom neminovno susreću, sav svoj radni i angžman u slobodnom vremenu je usmjerila ka boljitku ove ratne populacije koja još uvijek nije našla mjesto u društvu koje joj bi trebala imati.

Aktivno je učestvovala u radnoj grupi na donošenju Zakona o socijalnoj zaštiti i zaštiti civilnih žrtava rata i zaštiti porodice sa djecom Federacije BiH kada se 2006. godine, Unija uspjela izboriti da dobijemo pripadnici populacije civilnih žrtava rata ostvare pravo na 70% od visine novčanih primanja koja ostvaruju RVI i porodice šehida i poginulih boraca u F BiH.

2023.godine je prvi put donesen zakon koji sveobuhvatno uređuje pitanja civilnih žrtava rata - Zakon o zaštiti civilnih žrtava rata u Federaciji BiH. Kao član radne grupe za izradu ovog

zakona, dala veliki doprinos unaprjeđenju prava ranjive kategorije civilnih žrtava rata koja se pomalo zaboravlja.

Istovremeno je sudjelovala u brojnim projektima kulture sjećanja na period opsade Sarajeva 92-95, s ciljem da se strahota agresije i opsade grada nikad nikom ne dese i ne ponove.

Sama kaže: "To je moja misija, moj amanet budućim generacijama ovog grada i cijele BiH."

Opredijeljena je, uporno istrajava i ulaže ogromnu energiju još jednom cilju, a to je izgradnja jedinstvenog spomen obilježja ubijenim civilima u opkoljenom gradu Sarajevu.

Nada se da će se i ovaj projekt završiti u što skorije vrijeme kako kaže "...zajedno sa svim dobronamjernim ljudima našeg grada kojih ima, hvala dragom Bogu..."

Čast mi je i zadovoljstvo predložiti Senidu Karović za dodjelu nagrade „Graham Bamford” koja je nesebično cijelu sebe usmjerila dobrobiti civilnih žrtava rata i koja ne odustaje dok se njihova žrtva i patnja trajno ne smjesti u sjećanje ovog grada, zemlje i svijeta kao opomena svima koji požele ratom rješavati probleme.

U Sarajevu, 02.01.2024. godine,

Jasmin Ademović, s.r.